

近代中國史料叢刊續編第六輯
沈雲龍主編

中復堂全集東溟文集

姚瑩著

文海出版社
有限公司印行

中華民國六十三年九月影印版

近代中國史料叢刊續輯 第六輯

精裝：十二册

定價：新台幣



主編者：沈

雲

龍

發行人：李

振

華

臺北縣永和鎮中興街99巷8號

出版者：文海出版社有限公司

郵政劃撥戶第二七八四號
電話：九二二六五九號

印刷者：金氏印刷有限公司

臺北市長安東路二段66號

經銷者：全省各大書局

本公司經內政部核准登記證為內版台業字第〇八〇〇號

近代中國史料叢刊續編 第六輯

目錄

復堂全集	東溟文集	姚瑩著
復堂全集	東溟文後集	姚瑩著
復堂全集	復湘詩集·二集·續集	姚瑩著
復堂全集	東溟奏稿	姚瑩著
復堂全集	識小錄	姚瑩著
復堂全集	東槎紀略·寸陰叢錄	姚瑩著
復堂全集	康輜紀行	姚瑩著
復堂全集	中復堂遺稿·續編	姚瑩著
復堂全集	姚氏先德傳	姚瑩著
復堂全集	附錄·年譜	姚濬昌編

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



中集卷

頌丸

堂十

全八

同治丁卯八月
安福縣署開雕

中復堂全集總目

桐城姚瑩石甫著

男澹昌重校刊

東溟文集六卷外集四卷

東溟文後集十四卷外集二卷

後湘詩集九卷

後湘二集五卷

後湘續集七卷

東溟奏稿四卷

識小錄八卷

東槎紀略五卷

可陰叢書四卷

康輜紀行十六卷

姚氏先德傳六卷

中復堂遺稿五卷

中復堂遺稿續編三卷

附錄

傳 墓志銘 墓表 年譜

東溟文集卷六

卷外集四卷

序

文章如面萬有不同而要同乎古今者所以爲文之心而已不能同其心而強同其面則入于僞僞不可久居雖有見于今必不足傳于後是故爲文者必有仁義之質道德之積如不得已而後有言然後其言有物其言信乃久傳而方其學之始又必深求古人之心研說之久然後古人之精神面目與我相覲而我之精神面目亦自以見于天下後世樹少與石甫學文時持論如此石甫平居慕賈誼王文成之爲人故其學體用兼備不爲空談其文一自抒所得不苟求形貌之似其齒少于余而其才識與學之勝余相去之遠中閒恆若可容數十百人者旣成進士後嘗游粵數年歸則出示以其所爲文數大束余讀之駭服

既爲題論而去嘉慶二十四年余客粵是時石甫仕于閩之漳州爲平和縣令往來之人皆傳其政事之美異而不及其文久之石甫自閩中以其集來寄且命爲之序急讀之則視向所見益充實不可涯際觀其義理之剏獲如雲羅過而耀星辰也其論議之豪宕若快馬逸而脫銜韉也其辨證之浩博如眺溟海而覩濤瀾也至其鋪陳治術曉暢民俗洞極人情白黑如衡之陳鑑之設幽室昏夜而懸燭照也而其明秀英偉之氣又實能使其心胸面目聲音笑貌精神意氣家世交游與夫仁孝愷悌之效于施行者畢見于簡端使人讀其文如立石甫于前而與之俯仰抵掌也嗟夫石甫之得可古以見于今者如是其傳于後世宜何如也石甫固願學陽明而其出宰之縣適卽爲陽明

所開其民俗根株獷悍難治又與陽明當日所征八排洞
獠無異石甫之治此地禽獮獸薙剔抉爬梳化誘若雨露
震驚若風雷申嚴之法誥誡之文朗暢愷切恢闊明白又
若無一不與陽明氣象相似者吾不知天特遣此盤根錯
節以別利器乎抑故遣石甫居此行其學顯其才以蹈陽
明之跡俾天下後世知其志願之不虛乎石甫曩爲書達
諸公論治劇之理及石甫爲縣一一行之如其言嗟乎石
甫之學既見于治矣石甫之治既見于文矣石甫之治與
文既見于當世而又將揭以示後世矣然而人之知其文
者或寡知其文之所以效于治與夫其治與文之氣象之
何似益寡矣知不知亦何足損益余獨恥讀人之文而不
能識其真使作者之心不著于天下亦古今斯道文章之

大憾也故亟爲箸之使讀石甫之文者有以考其迹焉道
光元年秋八月同邑方東樹

題辭

諦觀撰著區大道之畛塗洞學士之痕結理究天人之奧
書成一家之言而且學有經法通識時事激昂慷慨賈太
傅流涕之書博辯宏通蘇學士淋漓之手心平論篤兼漢
宋之長而通其郵氣盛言宜得馬韓之神而無其跡以視
規規門戶之間逐逐聲華之路者信乎厭鳥啁啾中獨見
孤鳳皇矣更望涵養深沉精研遠密棄除瑣碎獨命千秋
覃極蹟微坐酬萬變從此行則施爲霖雨藏可勒諸名山
白頭今望當代乃有斯人青眼高歌不朽端歸吾子山陽
汪廷珍題

嘉慶二十一年汪文端督學浙江余初之平和令過錢
塘謁公索觀詩文諸稿縱談三日公各爲題辭卷首闕

中初刻載之道光十二年李申耆及毛生甫編刻東溟
文集後湘詩集乃去公辭未載嘗以爲憾今茲續刻近
著爰檢公舊題仍冠東溟文集之首識公之知我最先
也詩集亦有題辭今亡之矣道光二十九年十一月瑩

自記

東溟文集目錄

卷一

通論上 通論下 賈誼論 罪言 剛柔論 心

說 師說上 師說中 師說下 天地篇 鬼神

篇 檢身綱目說 五廟七廟辨 姜嫄無廟辨

卷二

姚氏先德傳序 援鶉堂集後序 後湘集自序

五家賤困學紀聞序 代錢白渠七經概序 謝王二

史輯遺序 吳春麓先生集序 吳子方遺文序

吳子山遺詩序 劉薇卿詩序 孔蘅浦詩序 贈

王栻序 贈朱澹園序 論語集注書後 道書書

後 藏經書後 楊忠烈公與吳大司馬書跋尾

史忠正墨跡跋尾 跋鄧子與詩卷

卷三

與張阮林論家學書 與徐六襄論五代史書 答
宋青城書 上座師趙分巡書 再復趙分巡書
復李按察書 復方漳州求言札子

卷四

謝周漳州書 答李信齋論臺灣治事書 復趙尙
書言臺灣兵事書 第二書 與倪兵備論捕盜書
上孔兵備書 上孔兵備論辦賊事宜書 再上
孔兵備書 與杜少京書 上韓中丞書 與劉明
東書 覆馬元伯書 與李永州書

卷五

遊欖山記 粵東學使後園記 復祀劉忠宣公祠
堂記 桐城麻溪姚氏登科記 桐城麻溪姚氏節
婦記 先副使公西湖德馨祠記 噶瑪蘭廳異記
漳州府重修城隍廟記

卷六

沈宋二君傳 仲童子傳 張阮林傳 春麓先生
傳 朝議大夫刑部郎中加四品銜從祖惜抱先生
行狀 先府君行畧 先太宜人行畧 朝議大夫
福建漳州府知府周公墓誌銘 亡姑壙志銘 方
孺人權厝銘 孫宜人墓誌銘 廣東鹽運司知事
王府君墓表 鄭君墓表 勵志賦 怪鷗賦 祭
趙文恪公文 祭劉明東文

外集卷一

說鷹 說灘 說鬼 李鳳岡生壙記 張南山詩
序 松坡詩說序 黃香石詩序 鄭雲麓詩序
香蘇山館詩集序 北園燕集詩序 山人珠璣序
朱母陳太宜人八十壽序 汪母朱太宜人壽序
侯冠芳遺集序

卷二

與吳岳卿書 與吳春麓員外書 與光律原刑部
書 復楊君論詩文書 復吳子方書 覆汪尙書
書 再覆汪尙書書 與吳孝廉光國書 復曾秀
才大椿書 復座師趙分巡書 答張亨甫書 與
陳恭甫書 復方彥聞書

卷三

樂居記 桂警軒記 遊白鶴峯記 來孝女傳
余淑人傳 宋君墓誌銘 兵部尚書戴公墓誌
銘

卷四

戒殺文 焚五妖神像判 勸修九和書院告示
諭各姓家長 捐簿題引 諭大坪黃氏 召鄉民
入城告示 諭七百社家長

東溟文集六卷外集四卷後湘詩集九卷二集五卷桐城
姚君石甫著桐城氣節文學高於江左薑鵬惜抱兩先生
經術文章閱深簡要爲世碩儒石甫服習傳緒擴以通敏
性識淳完內外不越洎乎筮仕益愼推行燭姦止邪肅若

著蔡興利除害亟於嗜欲度務寬猛胥孚惠威穎霸渤遂
蹈道則未求藝賜達從政何有是以陳事由其幾深尙論
該乎通變凡所指畫考其成功無有幽遐若握符券豈獨
以是存其謨猷示信後世而已夫古之學者莫不有天下
已任之量所以副其量者莫不有堯舜斯民之心六藝之
垂教聖哲之著書賢宰相百執事之抗奏持議皆若是已
詩曰古訓是式威儀是力易曰君子以言有物而行有恆
石甫亮懋獲我心矣至於詠歌性情之作彫繪景物之篇
體兼質文詞必廉傑不佻詭以害才不傀麗以蕩心下視
辟績猶莛楹也加以少覺隱憂長厄羣忌焦悴之音託於
環玦悲憤之思憊若風霜誦者淒零惻其幽眇作者順息
歸諸和平斯尤合志騷人上溯小雅者也詩文初刻於閩

中去年來權敝邑簡書有暇乃哀前後所作損益次序復刊於江陰兆洛獲與賓從校第篇目輒爲條其指要云爾
道光十三年八月武進李兆洛識

長
卷
二
十
一
目
録

東溟文集卷第一

桐城姚瑩石甫著

通論上

將欲成天下之大事著不易之駿功此非一二迂曲之士
所得與知也孔子之言曰言必信行必果舍是不可爲君
子宗族稱孝鄉黨稱弟舍是不可爲完人聖人之意豈不
欲天下人人皆無失言無失行而稱譽之美溢於鄉國以
是爲太平之極規也誠使天下人人皆能如是是亦足矣
而勢又不能天下之治亂有所由生也變亂未形惟聖人
能泯其幾兆事勢旣著斯達者乃建其功名士有功名天
下之不幸也夫言行稱譽聖人所以教天下也天下幸安
人服吾教不幸一旦有事愚者迫於飢寒相率而爲盜賊

英雄豪傑並起是惟角智爭力之不暇而區區執言行稱
譽之說欲以安定天下其誰聽之乎夫聖人豈不計古今
常變而統言之哉此不可不權勢緩急者也天下之民至
不齊矣燕趙之民沈而勁齊魯之民椎而驚秦晉之民嗇
而悍吳越之民貪而剽閩粵之民很而愚其地氣然也其
中又必有材智殊眾桀鶩不羸之徒往來要結自相雄長
此奸民之尤者國家之巨憝也不鋤而誅之固無以爲治
然亦安得而盡誅之乎且夫天下之民其循分自安者大
抵椎魯無識僅爲人役而已若小有技能卽不免過分之
望况夫山川精氣間有所鍾其人旣挾殊常之能非常之
志類皆自矜貴而賤人幸而有業自存固無論一有失職
彼其能俯首帖耳甘貧賤而無事乎天下之患常中于所

忽朝廷晏安四夷賓服又且人主聰明謹守祖法勤於政事大臣夙夜恪恭以求無過甚安也是時天下卽有奇才而無敢倡爲高論輕議時事智者無所用其謀勇者無所用其力舉世以爲太平矣而非非常之患卽伏於其中何也奇才智勇不虛生不能見於國家彼將自見於天下吾恐其蕩佚自恣將伺隙而生端也且世之所謂太平者果能風俗不偷人心樸厚忠正盈朝府庫充實四時無水旱之倣海內無師旅之役乎將不能也此數者一有不然足爲大患况其備之者乃猶習故常不以人才爲急吾深爲執事者惜之或曰後世取士之途廣矣科第取之鴻博取之館職吏員取之乃至入貲者取之登進甚多而常有無人

之歎豈執事者之咎吾謂不然登進之法宜有常格以絕

奔競之門甄拔之途必有殊科以收非常之用向之數端者可以得尋常之士矣若夫奇才智勇抱非常之略者豈屑庸從事於此哉就使數者之中有其人矣責之以科條核之以名實尺寸之法足以短人彼其所挾持者大區區不足以自見有逃而去耳况其窮愁失職放浪於風塵湖海之中鬱鬱無所遇者又安知其幾輩耶昔者東晉之際王謝諸公勵志中興而不能得王猛苻堅得之遂霸中原慶歷之間韓范當國賢髦畢登而不能用張元吳昊夏人用之卒爲西患論者未嘗不惜其以人材資敵也夫以人材資敵甚於以兵借敵以地予敵苟羅而用之彼皆吾材也胡爲以助敵乎王謝韓范諸公豈其智慮不及此而竟失之者狃於故常之見忽於耳目之前故也夫有雄材絕

智抱濟時之具者此其人類不能斤斤於言行稱譽之間矣有不爲乃可以有爲釋其小乃可以見大舉世不覺而獨言之者必有觀時之識舉世共趨而獨不顧者必有經遠之謀接其人察其議論毋以資格相拘毋以毀譽惑聽是在執事者之鑒擇矣夫闊大者多疎沈毅者多略高明者多傲英邁者多奇觀其病則其美可見也若夫謹言曲行與眾俯仰豈所望於國士哉嗟乎二三大臣執政誠當國家以安之時逆慮未然之患深心實意求其材智絕特闊達有爲如王景略其人者舉而用之以濟當世之務又何不久安長治之有乃僅僅束身免過不先天下而憂旣無知人之明又復多所忌諱坐使奇才絕識沈淪困躓而無以自效古今以來忠正明達以身任天下者猶且失之

又況其未必若王謝韓范諸公者哉

通論下

天下之積勢如此其重也其需才又如此其亟也然而曰才難才難者將無以爲天下乎舟車所以行水陸也計古之行無以異今之行則舟車之爲材同也穀帛所以衣食饑寒也計古之衣食無以異今之衣食則穀帛之爲物同也而人天之所甚愛也計古者天之愛人無以異今之愛人也天不爲古今異其舟車穀帛之生獨於人才至今而靳之豈天心乎故天之生才古今同而才之有無古今異者則是非無才也今之用才者不知其用舟車穀帛也古之舟車行而已耳而朱輪華轂畫鷁飛鳧今之華十倍之古之穀帛衣食而已耳而雲羅霧縠海市山錯今之富十

倍之至於人才則苟簡而已進一人焉惟其私也匪是則
秦人之視越人也退一人焉惟其憎也匪是則妨賢塞路
如未之見也是何其愛才不如其愛舟車穀帛也彼其視
天下必有不若行與衣食之切者矣故人必飢也而後求
食則穀至從而精焉斯山海之珍集矣人必寒也而後求
衣則帛至從而美焉斯錦文之飾備矣人必有志天下也
而後求士則才至從而切焉斯瓌偉之士出矣今夫生而
自命者上聖之資也有待而濟者識時之傑也將欲建天
地之中立生民之極繼往開來紀綱百代此誠間氣不可
以世出若夫豪傑之士慷慨時務奮欲有爲則往往見之
矣顧其人不能無所因以成事類皆有所短以累名昔者
管仲嘗事公子糾矣粥粥無所聞一戰而囚及桓公相之

遂大匡成霸者桓有霸主之志仲因之而成其功也韓信
陳平嘗事項籍矣位卑祿微言不見用及從高祖用其計
畫卒亡項氏者高祖有明帝之資信平因之以效其用也
魏徵嘗事建成矣不能直言極諫以成其主之德及事太
宗力陳王道貞觀政治遂幾成康者太宗有納誨進善之
智徵因之以盡其忠也故曰有不遇之君無不得之士向
使數子者不遇其主雖懷奇負異亦與草木同朽矣而得
際三君驅策羣力遂佐成大業如此豈不懿哉人君者風
也大臣者播風聲者也士者草木之待偃者也上以功名
責士則士以功名著矣上以氣節望士則士以氣節稱矣
上以利祿奴隸役士則士以委蛇庸碌終矣故曰觀世之
治觀所進士下有伏才上無顯節古者大臣不侵庶職務

在進賢故虞期聞樊姬之言而避位史魚遲伯玉之用而尸諫是皆不曠其官者也且夫太上立德其次立功周召之賢不掩尙父孔子稱管仲曰如其仁不責其死而以自經溝瀆爲匹夫之諒者聖人所以爲大觀時所急不廢才以墮其功也伊尹五就湯五就桀孟子稱爲聖之任者自後儒論之不以爲反覆之臣乎論人如孔孟可以折天下之中矣今習委蛇之節而忘震驚之功仍貪冒之常而昧通時之識徒以議論相高莫究實用一聞異論則搖手咋舌以爲多事是坐視大廈之敝而不敢易其棟梁者也而其言則曰無才夫三代以下士無夷齊之行儒無孔顏之譽一善未彰短己共著其謂之無才不亦宜乎夫用人之與衡人不可同日語矣衡人者原其心志與所行事始終